

307

1518 die 29 Junii in Rogatis.

Non è più da differir la expedition de l'ambasador de la cità nostra de Padoa, qual al continuo sollicita zà tanti mesi la renovation de l'estimo de quella cità et teritorio, per esser quello grandemente mutato per la revolution dei tempi, et però:

L'anderà parte che a la renovation de l'estimo, si de nostri venetiani, come de padoani, sia provisto in questo modo.

Che padoani et altri, che hanno case, possession, et beni de cadauna sorte et condition in la cità nostra de Padoa et teritorio, *etiam* li exempti et privilegiati, et quelli che se avesseno francato con la Signoria nostra *nemine excepto*, non intendando però li nobeli et cittadini veneti a l'estimo di qual s'è proveduto convenientemente come *inferius* se lezerà, siano obligati in termine de mese uno proximo, da poi publicata la presente parte, dar in nota particolarmente el numero de le case, campi et beni d'ogni sorte, et la qualità de quelli, *ut supra*, in la qual nota se contengano i lochi dove sarano posti li beni.

Le polize se habino a dar in nota in la cancelleria de Padoa, et siano tolte *cum* sagramento et non in altro modo; et la execution sia comessa al Capitano de quella cità et altri deputati, la major parte di qual se habino a trovar presenti a l'acceptar di le polize et al dar et notar sagramento, nè altrimenti se intendano acceptate.

Siano registrate le polize sopra un libro ordinario a questo deputado, del qual, aziò non se possa in alcun tempo cometer fraude, ne sia facta un'altra copia et posta in camera del Capitano, dichiarando che le polize de li exempti, privilegiati et francati siano registrate sopra uno altro libro separato et posto in camera del Capitano.

*Verum*, perchè sono molti nobeli et cittadini venetiani che hanno i loro beni in Padoa et nel padoano, et sia conveniente servar *equaliter, ex nunc* sia preso: che i nobeli et cittadini veneti siano obligati *etiam* loro in termine del soprascripto mese, exenti, privilegiati et francati, *nemine excepto ut supra* come se dice dei padoani, dar in nota tuti li loro beni, et la qualità de quelli che possedono in Padoa et padoano a l'officio nostro sopra le Camare in questa nostra cità, et le loro polize che darano siano *similiter* tolte *cum* sagramento, et siano presenti al dar et notar del giuramento *saltem* doy de i signori de l'officio; le qual polize siano tutte registrate sopra

uno libro a questo deputato; et poi se habia ad far uno altro libro separato, nel qual siano notate solamente le possession et beni de venetiani sotostarano a l'estimo.

Et aziò lo estimo proceda con equità et rettitudine, passato el termine del mese, divider se debia tuto el teritorio padoano in quatro parte, in cadauna de le qual debano esser do zentilhomeni nostri, si ch'è siano otto, da esser eleti per scurtinio de questo Consejo, poi se debano balotar li nostri X Savi sopra le Decime et li 3 Provedadori sora le Camere, de li qual se ne debi elezer do *videlicet* uno per officio, i quali do star debano a Padoa per far lo estimo de quella cità, dichiarando che li 10 da esser eleti non habino nè possession, nè case da filar in Padoa et padoan, apresso li qual siano do over tre de li deputati de Padoa, per cadauna de le quatro parte, et do over tre altri *cum* do zentilhomeni in la cità. 307

Debano li sopraditi deputati andar fuori ad far inquisition et verifar le polize li sarano stà date da venetiani et padoani, avendo *cum* si la copia de quele che li parerano per poterse scontrar *cum* la nota farano de fuora, essendo in libertà de cadauna de le podestarie et vicariati mandar dui sui commessari, *videlicet* uno del castelo o vicariato et l'altro del teritorio: et *similiter* quando se farà la description in alcuna villa, possano do de quelli de la villa esser presenti ad tuor in nota *cum* sagramento de li lavoradori la condition de quei li parerano, et se 'l bisognerà pertigar le tere; non posendo però ingerirse in la materia de l'estimo questi commessi et intervenienti, ma *solum* per veder che le cosse passino debitamente.

Quelli veramente, si de padoani come de nostri venetiani, che non haverauo voluto dar in nota nel tempo prefisso, o che haverano fraudato la poliza sua, siano posti ad far l'estimo pel doppio de quello non avesseno dato in nota, et *ulterius* cadauno a pena de uno ducato per campo de quello avesseno fraudato, zoè delle terre arative, mo' de le boschive et prative, cadauno a pena de ducati mezo per campo, de le qual el terzo sia del accusador, el terzo de quei faranno la execution e l'altro terzo del nostro Arsenal: exemptuando de la pena soprascrita quei fosseno in rezimenti de là dal Quarner et in servitii publici, quali abino termene de uno mese da poi el suo ritorno, et li pupilli siano *etiam* reservati fino ad età legitima. Dichiarando che 'l soprascripto dar et tuor in nota non abia ad far preiuditio a la raxon de li esenti privilegiati et francati de le daje per la rata i se avesseno francato, et *similiter* a le raxon